



Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten

...

namentlich in Beziehung auf Anhalt, Bayern, Böhmen, ... und andere
Länder ; [Urkunden-Sammlung für die Geschichte der auswärtigen
Verhältnisse]

Riedel, Adolph Friedrich

Berlin, 1843

CCXVIII. Der Römische König Rudolph fordert die Stadt Lübeck auf, den
zur Beilegung der zwischen ihr und den Markgrafen von Brandenburg,
welche auf den Besitz ihrer Stadt verzichtet hatten, noch ...

Nutzungsbedingungen

[urn:nbn:de:hbz:466:1-56055](https://nbn-resolving.org/urn:nbn:de:hbz:466:1-56055)

Conradus Marchiones de Brandenburg debite fidelitatis, qua eidem Episcopo et ecclesie halberstadenfi, quorum vasalli existunt, tenentur, obliti, eandem ecclesiam, tam per se, quam per Falkonem militem aduocatam ac alios officiales et homines suos hostiliter impugnare, ac ipsam et eundem Episcopum Equis, bubus, aliisque animalibus et bouis suis spoliare nequiter presumpserunt, Alias dicto Episcopo et eidem Ecclesie per incendia et rapinas dampna grauius irrogando, quibusdam hominibus ecclesie predictae de corpore captis et carcerati custodie mancipatis et aliquibus ex ipsis miserabiliter interfectis, in non modicum Episcopi et ecclesie predictorum preiudicium et grauamen. Et licet dictus Episcopus Nobilis et Falkonem predictos moneri fecerit diligenter, ut Equos, boues, animalia et bona predicta Episcopo et ecclesie predictis restituerent ac de dampnis et iniuriis huiusmodi eidem taliter irrogatis satisfacere procurarent, quia tamen ipsi hoc facere contumaciter non curarunt, in eos, cum haec essent ita notoria, quod nulla poterant tergiuersatione celari, auctoritate ordinaria excommunicationis et tandem dictorum Nobilium contumacia excrecente in terram ipsorum in halberstadenfi dioecesi consistentem, interdicti sententias exigente iusticia promulgauit, quas dictus Episcopus apostolico petiit munimine roborari. Quocirca discretioni uestrae per apostolica scripta mandamus, quatinus sententias ipsas sicut rationabiliter sunt prolatae, faciatis auctoritate nostra usque ad satisfactionem condignam appellatione remota inuiolabiliter obseruari. Quod si non omnes hiis exequendis potueritis interesse, tu, frater Archiepiscope, cum eorum altero ea nichilominus exequaris. Datum apud urbem ueterem II. Non. Januarii, Pontificatus nostri anno primo.

Aus der im K. Geh. Kabinet's-Archive befindlichen dipl. Sammlung.

CCXVIII. Der Römische König Rudolph fordert die Stadt Lübeck auf, den zur Beilegung der zwischen ihr und den Markgrafen von Brandenburg, welche auf den Besitz ihrer Stadt verzichtet hatten, noch obschwebenden Streitigkeiten auf Pfingsten anberaumten Termin durch Gesandte zu beschicken, am 11. März 1283.

Rudolfus, dei gratia Romanorum Rex, semper augustus, Prudentibus uiris . . . Magistris ciuium, consulibus et uniuersis ciuibus lubicenfibus, dilectis suis fidelibus, gratiam suam et omne bonum. Pacem et tranquillitatem uestram omnimodam ex animo diligentes, Illustribus cunrado et o(ttoni) fratribus, Marchionibus de brandenburch, super resignatione officii, quod ipsis de ciuitate uestra commissimus, nec non super eo, quod induciauerunt discordiam, que inter uos et ipsos vertitur, usque ad festum pentecostes proxime nunc futurum, grates retulimus multiformes. Verum cum circa idem festum simus ad inferiores terminos Reni, vel ad partes uobis magis conterminas processuri, ubi iudem Marchiones suos nuncios, sicut ipsis mandauimus, ad nostram transmittent presenciam: fidelitatem uestram attente rogamus, quatenus ibidem uestros nuncios similiter ad nostram celsitudinem transmittatis et predictas inducias obseruetis; et nos efficaciter laborare curabimus,

qualiter vos cum ipsis amicaliter complanemus. Scimus enim, quod vos estis nobis et imperio sic coniuncti, quod vos in vestris necessitatibus deserere non valemus. Vnde fortes et stabiles in deuotione imperii maneatis. Datum basilee, V Idus Marcij, Regni nostri anno X^o, Prudentibus uiris, magistris consulibus et uniuersis ciuibus Lubicensibus, dilectis nostris fidelibus.

Aus der Lübecksch. Urk. Samml. 1, Nr. CDXLII.

CCXIX. Graf Günther von Schwarzburg zeigt der Stadt Lübeck an, daß der R. König Rudolph, zur Beilegung der Streitigkeiten zwischen den Markgrafen von Brandenburg einerseits und den Städten Lübeck und Goslar andererseits, einen Termin auf den Sonntag nach Pfingsten anberaumt habe, ohne Datum.

Prudentibus uiris sincerissimis et Amicis diligendis, Aduocato, Consulibus et uniuersis ciuibus in Lubeke, G(untherus), Comes in Suarzbure, intime dilectionis plenitudinem cum salute. Pro eo, quod expediti sumus per vos liberaliter pecunia, quam dominus noster Rex in uestra ciuitate nobis assignauit, nuntios eciam nostros amplissime, prout asserunt et gloriantur, benignissime pertractando, quantum unquam ex affectu possumus sinceritati vestre gratiarum referimus uberrimas actiones. Noueritis itaque: missi per dominum nostrum Romanorum Regem gloriosissimum in multum prearduis negotiis, cum de Austria ad curiam rediissemus, ipsa tunc hora eadem inuenimus de Brandebure solempnes nuncios Marchionum, qui uobis et ciuitati uestre aliqua contraria seu derogantia in domino nostri Regis presentia proponebant; quorum propositiones contra vos factas tamen destruximus, quemadmodum per uestras nobis missas litteras petiuisit, et sicut Otto notarius, domini Regis capellanus, fideliter premouendo uestrum negotium et discrete, prout commiseratis sue industrie, sicut ipsemet audiuit domini marchionis responsum et indignationem, quam ad vos habent marchiones, coram ipso domino rege de uerbo ad uerbum plenius exponebat. Est tandem deductum ad hoc, quod dominus Rex marchionibus de Brandebure, uobis pariter et ciuitati Goslarie, diem placiti, uidelicet octauam pentecostes, hoc est diem sancte trinitatis, assignauit, ad quam diem placiti, ubicunque tunc dominus Rex fuerit, uestros idoneos nuntios in omnibus agendis contra sepedictos marchiones, ad omnem utilitatem ciuitatis uestre informatos plenius, uiros bene disertos, transmittere nullatenus obmittatis, quia dominus noster Rex intendit, tunc propositiones, hinc inde propositas, decidere, et dissensionis materiam inter dominos marchiones de brandebure, vos lubicenses et ciues Goslarienses penitus deplanare. Cetera Lator, cuius uerbis, que uobis ex parte domini Regis et nostra dixerit, fidem plenam dignemini adhibere. Prudentibus uiris, sincerissimis et diligendis amicis, aduocato, Consulibus et uniuersis ciuibus in Lubeke.

Aus derselben Sammlung Nr. CDXLIII.